

Հաշվետվություն

2025 թվականի ապրիլի 14-ից 29-ը գործուղման արդյունքների վերաբերյալ

1. Անուն, ազգանունը

Աննա Վարդանյան

2. Զբաղեցրած պաշտոնը

ՀՀ տարածքային կառավարման և ենթակառուցվածքների նախարարության տարածքային կառավարման վարչության համայնքային ծառայության հարցերի բաժնի գլխավոր մասնագետ:

3. Գործուղման վայրը և ժամկետները

Չինաստանի Ժողովրդական Հանրապետություն (ք. Պեկին), 2025թ. ապրիլի 14-ից 29-ը:

4. Հրավիրող կողմը

Չինաստանի Ժողովրդական Հանրապետության Առևտրի նախարարության Միջազգային Բիզնեսի Պաշտոնյաների Ակադեմիա (AIBO):

5. Գործուղման նպատակը (աշխատանքային ճիւղի խնդրի լուծման համար էր նախատեսված գործուղումը)

Մասնակցություն «Զարգացող երկրների համար նախատեսված թափոնների վերամշակման ծրագրերի մշակում» խորագրով դասընթացին:

6. Քննարկված թեմաները

Դասընթացի մեկնարկը տրվեց Չինաստանի ազգային պատմության և մշակույթային կյանքի ակնարկով: Այցի ընթացքում քննարկվեցին թափոնների կառավարման մի շարք խնդիրներ, այդ թվում՝ թափոնների տեսակավորված հավաքման, տեսակավորման, վերամշակման և նշված գործընթացը խթանելու համար արտադրողի ընդլայնված պատասխանատվության ու դեպոզիտի համակարգերի ներդրման դժվարություններն ու առավելությունները, այդ ուղղությամբ մշակված օրենսդրական կարգավորումները: Իրավաբանական անձանցից թափոնների առանձին տեսակների հավաքման և գործածության արդյունավետությունը, թափոնների այրման, օրգանական թափոնների գործածության՝ հիմնականում կենսազազի ստացման, աղբավայրերի շահագործման խնդիրները:

7. Հանդիպումները, ելույթները, բարձրացված կամ քննարկված հարցերը

Այցի ընթացքում հանդիպում է անցկացվել Չինաստանի Ժողովրդական Հանրապետության առևտրի և արդյունաբերության նախարարության միջազգային բիզնեսի պաշտոնյաների և նախարարության ներկայացուցիչների հետ: Հանդիպումները տեղի են ունեցել Չինաստանի Ժողովրդական Հանրապետության մայրաքաղաք Պեկինում, Սուժոու և Դոնշան քաղաքներում և հարակից

բնակավայրերում: Հանդիպումներ են եղել թափոնների կառավարման ոլորտում գործունեություն ծավալող կազմակերպությունների ներկայացուցիչների, արդյունաբերական այգիների ղեկավարների, շրջակա միջավայրի նորարարությունների հետազոտական ինստիտուտների մասնագետների, գյուղատնտեսական և գյուղական թափոնների ռեսուրսների օգտագործման կառավարման տեխնոլոգիաների և ինժեներների հետ:

Ներկա գտնվեցինք Չինաստանի «Մեկ գոտի, մեկ ճանապարհ» նախաձեռնության ցերեկույթին, որը հսկայական ենթակառուցվածքային նախագիծ էր: Պեկինի թափոնների այրման ձեռնարկությունում ծանոթացանք թափոնների այրման էներգիայի արտադրության տեխնոլոգիային և արդյունաբերությանը: Սուժոու քաղաքում այցելեցինք Սուժոուի արդյունաբերական պարկի ցուցահանդես-սրահի բացմանը (Industrial park planning exhibition hall), այնուհետև այցելեցինք նորարարության վրա հիմնված Վանգշան ձեռնարկություն (Wangshan interprise):

Ուսումնական շրջագայության շրջանակներում այցելեցինք չինական Մեծ պատ, ինչպես նաև նորարարության վրա հիմնված մի քանի ձեռնարկություններ (Beijing Environment Sanitation Engineering Group Co., Ltd.), հետազոտական ինստիտուտներ, ազգային պարկեր, աղբի վերամշակման գործարաններ (The rural revitalization situation in Shuangwan village, Dongshan town):

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Հանդիպումների ընթացքում պայմանավորվածություններ են ձեռք բերվել քննարկել վերը նշված կազմակերպությունների հետ հետագա համագործակցության կարիքները և հնարավորությունները:


Ընդունված որոշումներ և ստորագրված փաստաթղթեր չկան:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները

Առաջարկվել է աշխատանքներ տանել վերը նշված պայմանավորվածությունների իրականացման, անհրաժեշտության դեպքում չինական լավագույն փորձի տեղայնացման նպատակով կապեր հաստատելու ուղղությամբ:

Հայաստանի պատվիրակության մասնակիցների վերաբերյալ հրավիրող կողմի համակարգողը էլեկտրոնային նամակով երախտագիտություն է հայտնել ակտիվ մասնակցության համար:

Ստորագրություն, ամսաթիվ



02.05.2025թ.